

# Chindoto na Amaroro

Rigoro ria gatato (Chumatano) 20.7.2016  
Obochenu ase Omotongi O Kare na Kare!

## **CHINDOTO NA AMARORO**

na

**Jeanine SAUTRON**

**EKANISA YA FILADELFIA**

**“ENTIGARI,”**

**eyio erendete AMACHIKO**

**a NYASAE, amo N’ESABATO YERITUKO**

**RIA GATANO**

**NA KABERE, CHUMAMOSI,**

**NA OKWEGENA KWA YESO.**

**OKWEGENA KWA YESO:**

**NOMOIKA**

**BW’OBOBANI.**

## **Chindoto na Amaroro**

Egesieri 514, Okorora Namba 1

(1) **Obotomwa obo**

**nobw’ense na Ekanisa**

**ya Filadelfia, “Entigari.”**

(2) **Yeso nkoraria are**

**ogocha kw’omobisa o kristo,**

**nigo kore ang’e.**

**Oyo nomoerio.**

**Okoirana kwaye nigo kore ang’e.**

### **OKORORA**

(3) Ase okorora oko, inkenyora ime ya hekalu ase ogosasima gw’Esabato.

(4) Inkamorora Yeso. Agacha asende na agantebia:  
**“rusia ebikoroto biao, egekogera aase aya naachenu.”**

**“Otebie bamura na basubati bamino ba Filadelfia bakore buna gwakora na barusie ebikoroto biabo.”**

(5) Yeso agachaka gokwana ime ase hekalu eye, buna ense eria emenyire aaria ase narengase okorora; Yeso nere otenenerete okorandia gw’Esabato.

(6) Nigo nategererete buya mono ase eki arengase gokwana ime ye hekalu eye.

**“Inche bono tindi ime ya Laodekia, nayiangire. Ero nigo ere omokungu omotomani na omotanga-tangi.**

**Bonsi (abasacha na abakungu) bono tibari bamura na basubati baminto.”**

(7) Inche tindi gochia kogokwanera amang’ana y’okwegena enchili, ayio akong’aina abanto, naende ayio arobeiri na mwanabanto. Nigo ngochia kobakwanera buna ise abana agokwanera abana baye.

(8) Yeso nigo arengase koraria ng’a ere ning’o are (obwere bwaye). Agateba: **“Ninche Yeso. Nigo nde Omoyahudi, ng’iboire nabaibori Abayahudi. Inche nomwana o Nyasae. Nigo tore abanto batato ime ase omonto oyomo. Inche Nyasae: tata, inche omwana oye, na omoika omochenu.”**

(9) **OMOERIO NG’ANG’E ORE!**

**Kabe amo!**

**Kabe amo!**

**Kabe amo!**

(10) **Omobisa o kristo ng’ang’e are.**

**Nigo ere ang’e!**

(11) **Booria chingaki!**

## **Chindoto na Amaroro**

Egesieri 514, Okorora Namba 2

(1) **“Ere oyore omochenu, tige agenderere gwechena omonyene; ere oyore omonyene oboronge tige agenderere kwenaria oboronge, na ere oyore neubi tige agenderere kwebeka eubi ere omonyene.”**

(2) **“Kabe abachenu buna inche inde omochenu, na timokuna egento kere neubi.”**

(3) **“Mochene chiSabato chiane.** Echio nekemanyererio egati yaino na inche. Mwanchane inwe ase inwe buna nabanchete.”

(4) **“Ekane inwe abanyene, nemegwekano. Timokuna kende gionsi getachenegeti, nainche nimbaariganie. Kora ogoonchoreria inwe abanyene! Kora ogoonchoreria ase emebere yaino na ase ebirengererio biaino, onye motagete goeta (gose gotamboka) ase ekeoreri ki’omochie omochenu,**

**Kora ogoonchoreria inwe abanyene!**

**Tiga enyama na**

**koumerana kemobere.”**

(5) **“Kabe omochenu buna inche inde omochenu.”**

<sup>(6)</sup> “Bonsi baria bakoria chinyama chie ching’iti chikwete tibagotamboka ase ekeoreri ki’omochie omochenu o Nyasae.”<sup>1</sup>

<sup>16</sup> YAHWEH nanachere abanto ekina na kobaa egesusuro ki’ogosambwa nomorero na goitwa nemioro, na abwo baraitwe na YAHWEH nigo barabe abange.

<sup>17</sup> YAHWEH nigo agoteba iga: Abanto bagweatanana na gwechena ase ogosasima ime ase ebigondo bagotang’anwa noyomo Ahad [*oria omosaria*] ore ase egati-gati yabo, abwo **bakoria enyama y’embeche, na eye chimbeba, na ey’okogechia konde gwonsi, abwo bonsi mbasirigwe amo,** nabo YAHWEH aenekirie.” *Isaya* 66:16,17

<sup>14</sup> Tinana koria nonya ng’ake egento getacheneti gose kere neubi. *Ogokora* 10:14.

<sup>13</sup> Ase engaki eyio YAHWEH nabarentere obotantunu, abanto mbaonchokerane, baitane kera oyomo noyomwabo.

<sup>15</sup> **Amaakwa amabe buna ayio nache boigo ase chibarasi, ne chiyombo, ne chingamia, ne chitigere, ne ching’iti chinde chionsi chire ase ebituori biabo.** *Zakaria* 14:13,15.

<sup>29</sup> Naende Nyasae agateba, ‘**Rora, nabaeire kera ekemeru gekwama chimbusuro ase ense engima. Na kera omote okwama amatunda are ne chimbusuro chire imeo; nabio birabe endagera yaino.**’ *Omochakano* 1:29. TEGERERA: Ng’iti ende teri egochia gokwa ase engencho y’ebibe aaria “**igoro enyia na ense enyia**” erio orie endagera enyinge mono eetantetie ekerengo erio oisanekie obote obwo bosaregete bwa mwanyabantu omonyabibe:

<sup>9</sup> **Aase onsi ase egetunwa kiane egechenu, ayare amabe, gose ayagosiria tagokorekana aroro;** ekiagera ense neichorwe nabantu bamomanyete YAHWEH, buna amache aichire ase enyancha. *Isaya* 11:9.

<sup>(7)</sup> Yeso agateba, “Echene inwe abanyene

**Kabe abachenu,  
egekogera inche nomochenu.”**

<sup>(8)</sup> “Ritunda ri’okwegena nigo rire oboigweri bw’amachiko amachenu a Nyasae, amo nerituko ria gatano na kabere ri’Esabato, Chumamosi.”

<sup>(9)</sup> “Okoigwera gw’Esabato nigo kore **oboronge ase okwegena:**

**Inche ime yao, okobarerwa oboronge;**

**Aye ime yane, okoegwa oboronge.”**

<sup>(10)</sup> “Nase okwegena nario ogotoorigwa goetera ase okwegena; nekio tikeri korwa asore, nigo kere ekeegwa kia Nyasae.”

<sup>(11)</sup> “Morende Esabato yane ekiagera monyanchete. Mwanche Nyasae. Mwanchane inwe ase inwe, eyio nero etaracha y’oboikeranu:

## **Obwanchani na oboitongo.”**

<sup>(12)</sup> Yeso agatworokia ekadi y’etahabu. Agateba, “Eyio nero epasipoti yaino inse aiga eyekobaira igoro. Otabwati ekadi eye y’etahabu togwancherwa osoe ase omochengo o igoro.”

<sup>(13)</sup> Ekadi eye nigo ere ekeegwa kia Nyasae, ekoorokia ogoonchoreria kw’embwa ase omobwekano

**bw’obochenu, nobwanchani,**

embwa ya Yeso, eyio ere etahabu echenire ase omorero.

<sup>(14)</sup> Agateba: “etahabu echenire ase omorero,” nakwo ogoteba, okwegena na obwanchani; koirania embwa yaye.

<sup>(15)</sup> Yeso agasaba neriogi rinene, na nkamoigwa ogoteba, “Tata, nigo ntagete baria kwang’eire babe amo nainche kare na kare.”

<sup>(16)</sup> Eki kiabwatetie, nogotogia (ebako); na okorandia gokaera, gokabwatigwa nogosaba.

<sup>(17)</sup> Twensi togasoka isiko, toichire nomoika omochenu, togoroire namang’ana aye. Kera oyomo akabeka ebikoroto biaye.

<sup>(18)</sup> Agantebia, “**Aye, Jeanine, tigara nainche. Beka ebikoroto biao, erio ochiche ontunyane.”**

<sup>(19)</sup> Inkairana gochia asare. Agansasokera, na tokagenda amo.

## **Chindoto na Amaro**

### **Egesieri 514, Okorora Namba 3**

<sup>(1)</sup> Yeso akang’ira ase oborori ase obotoereri bwarengi, ase ekerasi ase abantu bagosomera ase esukuru enene; aroro abwo, abaorokigwa tibare aroro.

<sup>(2)</sup> Agantebia, “Soa, ikaransa ase otagete, korende toikaransa nyuma y’ekerasi. Nigo ntagete oikaransa bosio, ensemo yane Y’OKORIO.”

<sup>(3)</sup> Ingaikaransa ase ebenchi ya gatato. Agantebia, “aiga mbuya.”

<sup>(4)</sup> Inkarigereria. Ebureki (ase bakorika) enene nigo yabwatanirie ase enyasi, naende nase ebureki eye nao omoruoti bw’obogima arengi gochia gochora emabu ya Boraya, chinse echi chionsi chia Boraya.

<sup>(5)</sup> Agachaka nering’ana eri:

### **ARIMAGEDON.**

“Nao ere aiga, nao ere aiga ase emabu.”

<sup>(6)</sup> Ekeru agendererete gonkwana, inkarora, boigo na Yeso akarora, ng’a nigo ebirengererio biaito biarusetigwe ase ekosi eye ekero abantu batato bachete

ekerasi ime, na bagaikaransa bosio,

ase chibenchu igoro ensemu **Y'OKOBEE**.

<sup>(7)</sup> Yeso agacha asende na agantebia, **“Obuya bwane bwagoisanire. Toiroka kende gionsi. Tigara goikaransete ase ekerogo eke naende ontegerere.”**

<sup>(8)</sup> Omoruoti bw'obogima akarigereria abanto aba batato, na agantebia,

**Omoerio ng'ang'e ore:  
Arimagedon.”**

<sup>(9)</sup> Korwa ase enchera ankwanerete nkamanya ng'a enchera ebinto bire nigo ere bobo mono igoro y'abanto aba batato bare amo, baikaransete ensemu ase oyonde. Abanto aba nigo barenge ase ekosi, korende tibamanyete eki Yeso arenge gontebia.

<sup>(10)</sup> Ekero nare kobarigereria, ime yane ekairoka. Ekero Yeso aroche ng'a nabeire nobwoba, agantebia, **“Toiroka. Obuya bwane bwagoisanire egere ogenderere (obe ase oborendi) nokorora oko. Obuya bwane bwagoisanire.”**

<sup>(11)</sup> **“Nigo nacha gokweresa igoro y'abanto aba batato, abwo baiboretwe nomokungu, otatiga oyomo oyotaiboretwe nomokungu; ere nomobisa o kristo.**

<sup>(12)</sup> **“Omoerio ng'ang'e ore!”**

Kera engaki nigo agontebia eke,

**“Omoerio ng'ang'e ore!”**

Omoruoti bw'obogima agateba,

**“Nigo ore gesieri na monwa!”**

## Chindoto na Amaroro

Egesieri 514, Oborori Namba 4

<sup>(1)</sup> **OMOITI NAO ARE BORAYA**

**Ng'ANG'E ARE.**

**NGOCHICHA ARE.**

<sup>(2)</sup> YESO akang'orokeria ng'a nigo achete ase *Chindoto na Amaroro* gwasioria obobani obo bwa *Danieli* 12 ebibungo 9-12.

<sup>(3)</sup> Abange mbakore amabe, na abange tibakomanya.

<sup>(4)</sup> Yeso agantebia,

**“Omoerio nigo ore gesieri na monwa!”**

**Omoiti ng'ang'e are.**

**Ntegerere buya mono:**

**HITIRA moyo are,  
HITIRA moyo are,  
HITIRA moyo are.”**

<sup>(5)</sup> **“OMOITI BWA**

**ABAYAHUDI NGOCHICHARE;**

**Ngaki tichiyo.**

## ENGAKI NENYENG'E!"

<sup>(6)</sup> Yeso nigo agontebia igoro y'agetabu eke egeke ekerabu ekio namerete, na amang'ana y'obobisi agachire ay'obobani obwo Danieli agokwana bw'**OMOERIO** bwe chingaki, na obwo boraorokigwe ne *Chindoto na Amaroro*.

<sup>(7)</sup> **Obobani obo, ngochia nde kobomaanora bono;** Yeso agantebia, **“integerere buya mono.”**

<sup>(8)</sup> Kera ensa, nkarora Yeso, origereretie abanto aba atari namogoko abwo bachete ekerasi ime batari koboria bancherwe bache, naende abwo baikaransete bosio, eroo etang'ani, ensemu y'**OKOBEE**.

<sup>(9)</sup> Yeso akang'irorera naende,

**“HITIRA moyo are,  
HITIRA moyo are.”**

<sup>(10)</sup> **“Tari Hitira oria bw'omwaka 1943-44.**

**Hitira oria nigo akwete kare mono. Ngochiande komaanora obobani bwa Danieli korwa ase egetabu egeke ekerabu.”**

<sup>(11)</sup> **“Omoiti oyo nigo are omobe mono goetania Hitira oria omokoro, naende nere orabe oyo bw'omoerio orarusie Abayahudi korwa ase ense. Ogoita Abayahudi bonsi pi n'emeyio ng'ang'e kore:**

**Nigo kore gesieri namonwa!**

**Omoerio ng'ang'e ore!”**

<sup>(12)</sup> **“Tari okobaita ase okobasamba nomorero bwechigasi nebinde, nebinde gokorokwa eshoa. Eshoa nigo yare ogoitwa okobe mono gokorokwa ehokosti ya Abayahudi ime ya Boraya. Nigo erabe egoita enuko y'abanto abange mono n'emeyio. Tibakonyora obotamero. – Abanto baria bang'anyete bagachia komenya ense (aase) etari ense yabo tibakoyierwa.**

## Chindoto na Amaroro

Egesieri 514, Oborori Namba 5

**Hitira OMOYIA**

**Nigo agwekaine Hitira omokoro**

**OBORORI**

<sup>(2)</sup> Nkamorigereria omonto oyo. YESO, omwana o Nyasae, agateba, **“omonto oyo omoyia nigo agwekaine Hitira omokoro. Nigo amobwekaine. Nigo aiboretwe nomokungu. Ere nataare amo na saitani ore buna omonto.”**

<sup>(3)</sup> Konya omonto oyo ataraiborwa, YESO

namomanyete. Nigo arabe **OMOITI** bwa Abayahudi, na oyo bwa abamenyi bare ime ya Boraya.

<sup>(4)</sup> Danieli 12:10-12 nigo egoteba: “**Korwa ase engaki eyio ebing’wanso bia kera rituko mbirusigwe aroro, na okogechia kw’omoiti ngotenenigwe, nabe amatuko elifu eyemo, na amagana abere, na emerongo kianda (1290),**”

<sup>(5)</sup> YESO akang’orokeria, “**Omoiti nagambe ase emiaka etato na ekeng’ese 3 ½, naende nonya ngoetania, emiaka etato na ekeng’ese 3 ½ goika ene (4). Okogechia oko ngotenenigwe ime ya Boraya.**”

<sup>(6)</sup>“ Abakori amabe mbagenderere gokora amabe, onde tagotoka ase abakori amabe orabe nokomanya.”

<sup>(7)</sup> “Ekeru obobani obo bwa *Danieli* 12:10-12 borabetererigwe, nigo erabe

**OMOERIO bw’ense,  
OMOERIO bw’ebinto bionsi  
ase mwanabanto.’**

**Chindoto na Amaroro**

**Egesieri 514 Oborori Namba 6**

<sup>(1)</sup> **HITIRA moyo are:**

**ARIMAGEDON,**

**OGOITWA** kwa Abayahudi abange mono.

<sup>(2)</sup> Ekeru ebimanyererio bitano na bibere biaigoretwe aria igoro, omomalaika oyorenge gosoma ebimanyererio akamotebia Yeso kare nomoichano, **Ng’ang’e ere; Ng’ang’e ere!”**

**Nigo yareng ARIMAGEDON,**

**Ogosirigwa kw’Abayahudi nemeyio, amo na abamenyi (abanto bakorwa ense ende gochia eyende), bare igoro ase ense.**

<sup>(3)</sup> Abayahudi tibakominchoria ime ya Boraya gose korwa ase chinsemo chinde chi’ense, boigo nonya na abang’anyete.

<sup>(4)</sup> **Nigo bararorwe buna chimbeba echio chire chisirigwe. Ogosanga kwabo okuya n’abanto ngokobatooria. Eke nakio omoiti abwate ime ase ebirengererio biaye. Omoyahudi nembeba.**

<sup>(5)</sup> **ARIMAGEDON:**

**Ense nigo ere inse y’okobua  
kwebirecha.**

<sup>(6)</sup> Nkorokigwa, omoamereria o kristo, saitani omonyene ore nomobere o mwanabanto, amo nebirecha biaye, mbeboyie abanyene ne chiyunibomu chia abarwani esegi ba Boraya.

<sup>(7)</sup> Ebirecha ase omobwekano omwanabanto mbibogorie chiyunibomu chia Abafaransa amo ne chia

Abaswisi ime ya Boraya. Mbabe kera aase ime ya Boraya, buna yareng ekeru kia Hitira ase omwaka 1943-1944.

### **OBORORI**

<sup>(8)</sup> Nkenyora inche omonyene ime y’ense gete; naende nigo naigete aroro kinde ime ya oborori inse y’omobaso omuya. Nigo yareng chingaki chi’egati y’omotienyi o gatato na oyo gatano (engaki amaoga agosicha), obokendu nigo bwagenderere kobao.

<sup>(9)</sup> Nkarora egetii ase abanto bare gocha gotaara.

<sup>(10)</sup> Nkarora ensemu nareng omong’ina oyobwetubete (obegete eveili), ore nomwana oye oraire ime y’akagari gakong’uswa nebarasi.

<sup>(11)</sup> Nkarora abarwani esegi bagocha, abwo bare goaka eriogi buna eri’ebirecha; erio riare gokeng’entia amanyinga aane, ekeombe kia abeboyetie ebirwanero ekio kiare goeta ase emechie emenene.

<sup>(12)</sup> Nkarora abasacha abatambe, bagotacha buna abarwani esegi ba Hitira; naende ngachia korora omorwani esegi ogosoka korwa aase aye na kogenda gochia ase omokungu oyo bwetubete; nkarengereria, “Ninki kiagerete oyomo bw’abarwani asogete korwa aase aye kare nomoyio kogenda gochia ase omokungu oria bwetubete?”

<sup>(13)</sup> Agaetia omoyio akanacha omobere bw’omwana, erio agacha ase ng’ina nere akamokorera boigo. Omogwekano oyo nigo naorogetigwe bwango, buna okomesa.

<sup>(14)</sup> Nkarora omorwani oyo iga ogosoa aase aye amo nabwani bande, abwo bare gokora emeremo yabo y’ogosiria abanto. Nigo bare kogenda aare, bakorigia abakungu betubete amo nabang’anyi erinde babaite.

<sup>(15)</sup> Omorwani oyo iga agacha asende naende agateba noboremu, “Nanyorire amachiko, eyio ere ng’a nyigwere omonene one, oyio ore omoamereria o kristo

<sup>(16)</sup> Ngatang’ang’a, nkarora ogoseka gwa saitani igoro ase obosio bwaye.

<sup>(17)</sup> Erio agatebia, “Inche ne Helvetian [OmoSwiss] Helvetian ore neyunibomu y’ense eye.”

<sup>(18)</sup> Nkarigereria, buna oyo oichanigwe, ngasinywa gosuka korwa ase nare. Agantebia, “Erieta riaane n’Elegioni; nigo tore abange.

<sup>(19)</sup> Nigo nareng buna emboba ekonyegerigwa nembeo. Ngasiria oborori obo.

**Chindoto na Amaroro**

Egesieri 514 Namba 7

(1) **ESEGI YA  
ARIMAGEDON NG'ANG'E ERE.  
YARARIGWE  
NA YESO.**

(2) **Onde taiyo oraminchorie!**

Ritang'ani Abayahudi, korwao abang'anyi.

Tibakonyora oborendi/egekengero. Nigo baraitwe bakwe nemeyio.

(3) YESO Agantebia, “Aba tibari mwanyabanto korwa ase ense (eye). Ebi nebirecha bikororekana ase omogwekano o mwanyabanto, amo na omoamereria o kristo ore ase omobere o mwanyabanto, amo nebirecha biaye.

(4) **Onde taiyo oraminchorie!”**

**Chindoto na Amaroro**

Egesieri 514, Oborori Namba 8

**OBORORI**

(1) Ase enyomba eye y'okworokererigwa nindoche:

-Hitira omoyia

-Eng'iti ere namangunchara<sup>2</sup> buna ay'emanwa y'eng'ondi

-OMOAMERERIA O KRISTO, KERECHA ORE ASE OMOBERE OMWANYABANTO<sup>3</sup>

(2) Yeso akanyorokia ase oborori abanto abaiga batato.

(3) Agantebia,

“Kwarorire omotang'ani,  
nigo are Hitira omoyia.

Oyokabere,  
neng'iti ere namangunchara  
buna emanwa y'eng'ondi.

Oyogatato,  
igo are OMOAMERERIA O KRISTO  
kerecha ore ase omobere buna omonto.”

(4) Ekeri narengi ase oborori, nkaigwa amang'ana y'eng'iti. Egateba: “Mbatato tore. Ntobaite Abayahudi. Tindi gochia koba inche bweka, mbatato tore; ntobaite Abayahudi amo nabang'anyi nemeyio.

(5) Eng'iti ere namangunchara buna emanwa y'eng'ondi, egotiira korwa inse ase ense – *Okomaanoka* 13:11, nigo yare gokwana nokobua g'wokobaita bakwe bonsi pi baria batakore ogosasima kwabo ase rituko ria Chumapili: Abayahudi bonsi mbaitwe.

(6) “Negere bonsi pi banyore ekemanyererio ase amasio abo igoro naende amo nokoboko kwabo kwa

borio.”

<sup>2</sup> “Nkarora emeika y'eubi etato enga buna ebioto ekorwa ase omonwa **bw'enchoka**, na ase omonwa **bw'eng'iti**, na ase omonwa **bw'omobani oria bw'oborimo**. Naki eyio nemeika y'ebirecha egokora ebikone; eyio ekogenda ase **abaruoti b'ense yonsi**, na kobasangereria bonsi amo ase **esegi yerituko rinene ria Nyasae omobui**.” *Okomaanoka* 16:13-14.

<sup>3</sup> “Bono, bamura baminto, igoro y'ogocha kw'Omonene oito Yahshua Mahihi na ogosangererekana gwaito ase obosio bwaye, nigo tokobaboria timotengechigwa bwango na gotiga ebirengererio biaino... Ekiagera ayio takoba, ogwatananeka gotaracha ritang'ani, naende **omonto oria bw'ebibe** aorokigwe, oyio ore **omwana bw'obosiru**, oyo ore omoengereria na okweimokereria igoro omonyene igoro yakeria gekorokwa Nyasae gose gosasimwa; erio oikaransa buna ndiria are Nyasae ime ya Hekalu ya Nyasae. Okweraria omonyene ng'a nere Nyasae... Ekiagera **obobisi boris** **bw'ogosiria amachiko** bwachakire gokora emeremo bono.” *Abatesaloniki* 2:1-7.

(7) “Onye morigetie koba moyo na mobeke chiamate chiano chibe moyo erinde tibakwa, goika ebetereretie koiri ekemanyererio eke gia 666, naende mosasime rituko ria Chumapili.”

(8) Ere akagera bagasasima **omogwekano** [*esanamu y'ogosasimwa*] y'eng'iti eria entang'ani, Chumapili, inse y'egesusuro kia amakweri.”

**Chindoto na Amaroro**

Egesieri 514, Oborori namba 9

(1) **OGOSIRIGWA KW'ABAYAHUDI  
NIGO KOGENDERERETE GOCHA,  
KOGENDERERETE GOCHA AMO  
NOMOAMERERIA O KRISTO.**

**YESO agantebia,**

**“Eke nigo kerabe bwango!”**

(2) Eng'iti nyamangunchara buna emanwa y'eng'ondi egateba aya, “Ngocha gosiria tore emesikiti (chinyomba chi'ogosasima chia Abaisiramu) yabo yonsi, chikalu chiabo, nechisinagogi chiabo ime ya Boraya. Ntokore esegi y'okorwana negekuba, nebibaru (chigari chi'esegi) amo nemeyio. Ntosambe chinyomba chiabo; tobasirie nebibaru, na erio mbasirie ogwancherwa kwabo gw'okomenya amo nobogima bw'ogosanga kwabo. Titogwanchera chimbeba chibekerere inse amachiko ye chinse chiaito.”

(3) Ntobaure obonda bwabo, naende nigo baratangwe korwa ase kera egento: emeremo barikire, chibesa, nemeremo. Mbasirie kera egento: nonya nobogima

bwabo onye mbari (Abayahudi) gochia gwancherana nogotimoka gwa Chumapili naende onye mbari gochi gwancha konyora ekemanyererio 666 igoro ase emebere yabo.”

<sup>(4)</sup> Yeso agantebia, “**Abang’anyi abwo bare abatimoki b’erituko ria gatano na kabere (SDA) mbaetere ase ogosirigwa oko kw’emeyio. Tibari negekengero.**

<sup>(5)</sup> “Nigo barabe buna chimbeba, echio chireo ase ogosirigwa korwa ase ense.”

<sup>(6)</sup> Abang’anyi abwo bare abatimoki b’erituko ria gatano na kabere (abadibentista) nabarabwo boigo mbabe *buna chimbeba*.

<sup>(7)</sup> Nkarora ime y’oborori ng’a aba nigo barigereretie gocha ase Yeso amo nainche:

**-Hitira**

**-Eng’iti** ere namangunchara buna emanwa y’eng’ondi, na

**-Omoamereria o kristo** ore buna omonto.

<sup>(8)</sup> Mbatato bare, babwataine ase obobani obo.

<sup>(9)</sup> Yeso agantebia, “**Obuya bwane mbogoisaine.**” Rigereria naende orore, omonto o gatato nigo are omobisa o kristo omonyene, kerecha, okorokwa saitani, ore buna mosio omonto.

## **Chindoto na Amaroro**

### **Egesieri 514, Oborori Namba 10**

<sup>(1)</sup> Bono Yeso nigo agokwana nainche igoro ya omoamereria oyo.

<sup>(2)</sup> “**Nigo are omomalaika ogwete. Nigo agwete korwa igoro amo nebirecha biaye ekiagera akorete ebibe mamincha ya Nyasae.**”

<sup>(3)</sup> Nkamorigereria. Nomotambe are, obotambe buna obwa monto onde bwensi. Nigo are omobariri na etukia ere maroba erabokererete. Bonsi batato nigo babwataine amo mono, abagosanga amo, batanyare gwatananwa. Nigo abwate ase ebendera yabo ekemanyererio gi’okwemanyekania.

<sup>(4)</sup> Ere (Yeso) akaira ebirengererio biane mara gatato, *okobora*, **nigo abwate ase ebendera yabo igoro egento ekemanyererio gekomomanyekania.**”

<sup>(5)</sup> Yeso akamanyia igoro y’eriosa ri’omoamereria o kristo:

<sup>(6)</sup> “**Nigo are kerecha, saitani omonyene. Nigo areo ase omobere mosio o monto amo naba iga babere; Hitira amo neng’iti ere namangunchara buna emanwa y’eng’ondi. Nigo are omonto buna monto onde bwensi okorora bosio bwao. Nigo anyuomete**

**naende nabwate abana. Nigo are omonto obwate eamate.**”

<sup>(7)</sup> Yeso agantebia, “**Nigo akorosia emegano ekoorokigwa. Nigo are omogosoria bw’echisenema aria Hollywood. Saitani omoamereria o kristo tari ere bweka. Nigo are amo na Hitira, neng’iti amo nebirecha ebio agochika bikore amabe igoro ase ense.**”

<sup>(8)</sup> “**Saitani omoamereria o kristo nabwate egento egekomomanyekania igoro ase ebendera yabo; nigo ere ense ase amenyete. Nigo abwate ekemanyerrio eke igoro ase ebendera yabo. Onde taiyo ogokwana igoro ya Hitira, neng’iti ere namagunchara buna emanwa y’eng’ondi, gose omoamereria o kristo, ekiagera chingaki nchiraika, chingaki echio chire ech’obobani.**”

<sup>(9)</sup> Yeso agantebia, “**Obo nobobani bogochia gocha. Kaboratebane, boganye; ase obomaene mboikerane:**

### **ARIMAGEDONI**

#### **Omoerio ng’ang’e ore,**

#### **BWANGO!”**

<sup>(10)</sup> Ekeru ere (YESO) antebetie buna omoamereria o kristo nigo are omonto buna monto onde bwensi okorora bosio bwao; nigo are omogosoria bw’esenema naende nabwate abana, Yeso narochie ng’a ningwenerete komanya ayio.

<sup>(11)</sup> “Omoamereria o kristo nigo are omosacha onyuomete. Nabwate abana, nigo are omogosoria bw’emegano ekoorokigwa. Ere nemanyete ng’a nigo are saitani, omogenki. Ere namanyete Hitira naende namanyete eng’iti ere namagunchara buna emanwa y’eng’ondi ng’a mbabwate ensemu bagokora gochia ase omogano bw’omoerio bw’ense eye.”

<sup>(12)</sup> Erio tomomanye omoamereria o kristo amo nebirecha biaye abwo bare ase omogwekano o mwanabanto, omwana o Nyasae agantoma gochia ase *Ebuku*: Yuda, Egesieri 1, ebibungo 6 na 7, erio akamaanorera ayio.

<sup>(13)</sup> Yeso agantebia, “**Nyasae nigo abagachete inse ye chingatara chi’ebinyuri goika rituko rinene ri’ekina, abamalaika baria batarendete esiko yabo abanyene, korende bakerwa abanyene gochia ase obotomani nokonywa amarwa mono.**”

<sup>(14)</sup> **Abamalaika abaiga bare na omoika o kerecha nigo bareo ase ense ase omobere o mwanabanto.**

Nigo banyuomete abakungu na bakaibora abana. Omoamereria o kristo nigo are omogaka obwate enka.

<sup>(15)</sup> Oko nakwo okomaanorerwa ao ao kwa YESO.

<sup>(16)</sup> Ense engima nebe ekong'ainwa. Omoamereria o kristo nabwate ekemanyererio gekomomanyekania ase ebendera yabo. Saitani nao are ase ense.

<sup>(17)</sup> Yeso agantebia chingaki *chi'okogamba* kwabo, Hitira omoiti, eng'iti na omoamereria o kristo: **Nigo bagochi kogamba ase emiaka etato na ekeng'ese (3 ½) naende nonya ngoetania, nonya nemiaka ene (4), erio omany koba omoerio bw'ebinto bionsi.**

<sup>(18)</sup> Yeso agantebia,

**ARIMAGEDONI**

**mbwango ere!**

**Nigo ore omoerio!**

**Yeso ngochare!"**

<sup>(19)</sup> **Nigo kore okoirana**

**kwaye igoro**

**ase amare a igoro.**

**Okonyorwa kwabeireo!**

<sup>(20)</sup> "Abayahudi na abang'anyi, nabaria bagotimoka rituko ria gatano na kabere (aba SDA), tibakoba negekengero. Nigo barabe buna chimbeba. Nigo barasirigwe nemeyio."

<sup>(21)</sup> Ayio naro arenge amang'ana y'omoruoti bw'obogima.

<sup>(22)</sup> **Ng'ang'e bare!**

**Ng'ang'e bare!**

**Ebirecha amo**

**nomoamereria o kristo,**

**Eng'iti ere**

**nechingunchara**

**buna echie emanwa**

**y'eng'ondi**

**na Hitira.**

<sup>(23)</sup> Ng'ang'e bare. **NOMOERIO** bw'ense.

Jeanine Sautron

Chumaine, 26.7.2016

Obochenu gochia ase Omotongi Oyo Kare na Kare!

**Chindoto na Amaroro**

Chindoto na Amaroro 514—Epechi7— 20.7.2016

Egesieri 514, Oborori Namba 11

**OMOERIO BW'EBINTO BIONSI NIGO ORE  
GESIERI NA MONWA.  
MBWANGO ORABE.**

**Oborori**

<sup>(2)</sup> Igo ndoche Yeso origereretie abaiga batato (3) abwo baimogete korwa ase egeikaransero na kogenda. Yeso amo nainche nigo twarenge tobarigereretie:

**-Omoamereria o kristo**

**-Eng'iti** nechingunchara buna echi'emanwa y'eng'ondi

**-Hitira omoyia.**

<sup>(3)</sup> **Omwana o Nyasae** agantebia: "Omoamereria o kristo nabwate ekemanyererio gekomomanyekania igoro ase ebendera yabo. Ntegerere buya mono erinde okemanye.

<sup>(4)</sup> "Nigo kere ekemanyererio getenererete omoamereria o kristo.

Nakoire okomaanorerwa kwayio bono."

<sup>(5)</sup> **"Ekeru omoamereria o kristo**

**Arache,**

**ense**

**netengechigwe!"**

<sup>(6)</sup> Akang'irorera

**"Ense netengechigwe!**

**Ense engima**

**netengechigwe!**

<sup>(7)</sup> **"Ayio mbwango arabe!**

Nigo erabe **OMOERIO**

**BW'ENSE!"**

<sup>(8)</sup> YESO agataara gochia aare ake korwa asende. Na nkarora nga ogokoreka oko nigo kware okobe na kw'ogokumia.

<sup>(9)</sup> Erio agacha asende naende agantebia,

**"Ayio mbwango arabe!**

**Booria chingaki!**

INCHE NYASAE, Nyasae bw'obobani."

<sup>(10)</sup> Egaika engaki ekeru ambisioreretie igoro y'ekemanyererio gi'okwemanyekania eki'omoamereria o kristo, ekemanyererio gi'okwemanyekania ki'ebendera yabo:

<sup>(11)</sup>

**"Ekemanyererio eke  
gi'okwemanyekania nigo kere ebinto bibere  
bi'ogokorera emeremo ebio mwanyabanto**

**bagokorera emeremo igoro ase ense. Nobe nobomanyi.”**

<sup>(12)</sup> **“Ense engima**

**netengechigwe!”**

<sup>(13)</sup> Yeso agantebia, **“Bono nakomaanoreire ekemanyererio gi’okwemanyekania kwa omoamereria o kristo oyo:**

**Ayio mbwango arabe!”**

<sup>(14)</sup> Ekeru abarigereretie abantu abaiga batato, konya oikire komanya ng’a nigo bare ang’e ase emeroberio yabo, na ase engaki eyio.

<sup>(15)</sup> Yeso agateba

**“chingaki nechinyeng’e chire!”**

**“Ng’ange bare!**

**Ng’ang’e bare!**

**Booria chingaki!**

**Booria chingaki!”**

<sup>(16)</sup> **“Booria chingaki”:** Aya nigo arenge gokwanwa gochia

ase Ekanisa ya Filadelfia

**“Entigari.”**

<sup>(17)</sup> **Ayio nigo arabe bwango ase Ekanisa yaye amo na ase ense.**

<sup>(18)</sup> YESO agantebia, **“Ninche ngotebie naende igoro y’OMOBANI BW’OBORIMO.”**

<sup>(19)</sup> Buna agachete eira yaye y’ogocha naende kong’orokeria igoro ya ebirenga bia omoamereria o kristo, eng’iti: **HITIRA**, akagacha eira yaye, nachiche naende kong’igora amaiso igoro y’omobani bw’oborimo.

Jeanine Sautron